



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKO VIJEĆE



Tel: 032 650 022 www.opcina-tesanj.ba
Fax: 032 650 220 e: optesanj@bih.net.ba
032 650 416 optenac@bih.net.ba (Općinski načelnik)

Broj:01- /08
Datum: 2008. godine

Na osnovu člana 13. tačka c. Zakona o pripadnosti javnih prihoda u FBiH ("Službene novine FBiH", broj: 22/06), člana 1. i 3. Zakona o komunalnim taksama («Službeni list SRBiH», broj: 21/77, 35/88 i 26/89), člana 36. i 37. Zakona o principima lokalne samouprave u FBiH ("Službene novine FBiH", broj: 49/06) i člana 14. Statuta Općine Tešanj («Službeni glasnik Općine Tešanj», broj: 11/07), Općinsko vijeće Tešanj na svojoj _____ sjednici održanoj dana _____ 2008. godine, donijelo je

O D L U K U

o komunalnim taksama

Član 1.

Na području općine Tešanj, komunalne takse propisuju se i naplaćuju za:

1. Držanje muzike u ugostiteljskim objektima,
2. Držanje sredstava za priređivanje zabavnih igara (video igre, bilijari, fliperi i sl.),
3. Svaku istaknutu firmu,
4. Privremeni boravak u hotelima, motelima, prenoćištima, kampovima, kućnoj radinosti i sl.,
5. Komercijalne objave i oglase istaknute na javnim mjestima,
6. Korištenje slobodnih površina za postavljanje ljetnih bašti.

Član 2.

Komunalne takse plaćaju se za korištenje predmeta i usluga prema Tarifi općinske komunalne takse koja je sastavni dio ove Odluke.

Član 3.

Taksa iz člana 1. tačka 1. i 2. ove Odluke obračunava se i plaća mjesečno za svaki objekt ponaosob.

Član 4.

Taksa iz člana 1. tačka 3. obračunava se godišnje a plaća kvartalno.

Poreska ispostava Tešanj vrši svake godine prema stanju na dan 01. januara popis lica koja podliježu plaćanju takse iz prethodnog stava.

Prijavu za razrez komunalne takse takseni obveznik podnosi do 31. januara tekuće godine prema stanju na dan 01. januara iste godine za koju se vrši razrez.

Prijava za razrez komunalne takse podnosi se na obrascu utvrđenom od strane Općine Tešanj.

Promjene nastale poslije 01. januara tekuće godine, odnosno u toku godine, takseni obveznik je dužan prijaviti Poreznoj upravi FBiH-Ispostavi Tešanj najkasnije u roku od 15 dana od dana nastanka promjene.

Član 5.

Taksa iz člana 1. tačka 5. ove Odluke obračunava se i plaća na osnovu prijave koju je takсени obveznik dužan da podnese Poreskoj ispostavi Tešanj prije isticanja objave odnosno oglasa. Taksa se obračunava po m² površine i mora se uplatiti odmah.

Član 6.

Taksa iz člana 1. tačka 6. obračunava se i plaća mjesečno po 1 m² .

Član 7.

Taksena obaveza nastaje u trenutku kada se počne koristiti predmet ili usluga na čije korištenje je propisano plaćanje komunalne takse.

Član 8.

Utvrđena komunalna taksa iz člana 1. tačka 3. umanjuje se za 50 % ako se firma ističe u drugom polugodištu tekuće godine, odnosno ako se obavljanje djelatnosti okonča u toku prvog polugodišta.

Član 9.

Taksenim obveznicima koji ne podnesu prijavu u skladu sa članom 4. stav 3. ove Odluke ili daju netačne podatke prilikom podnošenja prijave, razrezana redovna taksa povećava se za 50 %.

Član 10.

Od plaćanja takse na istaknutu firmu oslobođeni su: državni organi, društveno-političke organizacije, mjesne zajednice, škole, udruženja građana, organizacije za kulturu i fizičku kulturu, humanitarne organizacije, ustanove oružanih snaga, vjerske zajednice i Centar za socijalni rad Tešanj.

Ratni vojni invalidi preko 50% invalidnosti, komunalnu taksu na istaknutu firmu plaćaju u iznosu od 50% od propisane takse, ukoliko je RVI nosilac djelatnosti registrovane kao fizičko lice.

Od plaćanja komunalne takse na istaknutu firmu oslobođene su djelatnosti fizičkih lica u oblasti uslužnog zanatstva-tradicionalnih zanata i to: časovničari, obučari, kovači i krečari.

Član 11.

Obrazac iz člana 4. stav 4. ove Odluke, Služba za finansije i ekonomiju izradit će u roku od 30 dana od dana stupanja na snagu ove Odluke.

Član 12.

Stupanjem na snagu ove Odluke prestaje da važi Odluka o komunalnim taksama i Tarifa općinskih komunalnih taksi objavljena u "Službenom glasniku Općine Tešanj", broj:2/99 i 14/01.

Član 13.

Ova Odluka stupa na snagu narednog dana od dana objavljivanja u "Službenom glasniku Općine Tešanj".

PREDSJEDAVAJUĆI VIJEĆA

RASIM Omerbašić, dipl.politolog

TARIFE OPĆINSKIH KOMUNALNIH TAKSA

Tarifni broj 1.

Za držanje muzike u ugostiteljskim objektima plaća se mjesečno	100 KM
Kod prired. koncerata, proslava i sl. minifestacija u zatvorenom prostoru plaća se za veće.....	100 KM
Kod prired. koncerata, proslava i sl. manifestacija na otvorenom prostoru plaća se za veće.....	200 KM

Tarifni broj 2.

Za držanje sredstava za priređivanje zabavnih igara plaća se mjesečno po jednom sredstvu za priređivanje igara.....	20 KM
---	-------

Tarifni broj 3.

Za svaku istaknutu firmu, obilježje ili natpis na objektima, upravnim zgradama, poslovnim jedinicama, prodajnim objektima i slično, kojima se označava da određeno pravno ili fizičko lice obavlja izvjesnu djelatnost, plaća se komunalna taksa, kako slijedi:

I ZONA

Prva zona obuhvata urbano područje Tešnja, Jelaha i Tešanjke shodno Odluci o izmjeni naziva ulica i trgova u Tešnju, Jelahu i Tešanjci ("Službeni glasnik Općine Tešanj", broj: 4/05).

	DJELATNOST	PRAVNA LICA u KM	FIZIČKA LICA u KM
1.	Distribucija električne energije, nafte i naftnih derivata, bankarstva, osiguranja i ostalih finansijskih usluga, PTT saobraćaja	1.200,00	-
2.	Ugostiteljski objekti tipa: hotel, bar, noćni bar, disko klub, disko bar	1.000,00	800,00
3.	Ugostiteljski objekti tipa: motel, pansion, sobe za iznajmljivanje, apartman, prenoćište i drugi objekti za smještaj gostiju	900,00	600,00
4.	Ugostiteljski objekti tipa: restoran, gostionica, krčma, konoba, pizzeria, bufet, pivnica, bistro, kafana, kafe bar	800,00	550,00
5.	Djelatnosti igara na sreću (lutrija, kladionice i sl.)	800,00	-
6.	Vanjska trgovina i trgovina na veliko	700,00	-
7.	Trgovina na malo	600,00	400,00
8.	Ugostiteljski objekti tipa: zdravljak, mliječni restoran, ćevabdžinica, aščinica, burekdžinica, objekat brze prehrane, kafe-slastičarna, kantina, catering	600,00	400,00
9.	Intelektualne usluge: advokatske, usluge notara	600,00	500,00
10.	Intelektualne usluge: računovodstveno-knjigovodstvene, radio i TV stanice, posredničke, turističke, projektovanje, promet nekretnina, prevodilačke i ostale nepomenute intelektualne usluge	600,00	400,00
11.	Usluge u oblasti zdravstva: bolnice, domovi zdravlja, poliklinike, stomatološke ordinacije, apoteke i	500,00	400,00

	druge ustanove u kojima se pruža zdravstvena zaštita		
12.	Uslužne djelatnosti: instalateri, keramičari, podopolagački radovi, automehaničari	500,00	400,00
13.	Ostale uslužne i proizvodne djelatnosti	500,00	200,00
14.	Proizvodnja u svim granama privrede	500,00	300,00
15.	Ostale nespomenute djelatnosti	400,00	200,00
16.	Trgovina na malo tipa: kiosk i pokretna prodavnica	400,00	300,00
17.	Prevoz stvari	400,00	100,00
18.	Prevoz putnika-linijski	400,00	-
19.	Trgovina na malo-tezga na pijaci	300,00	100,00
20.	Prevoz putnika-taxi	300,00	100,00
21.	Kućna radinost	-	100,00

II ZONA

Druga zona obuhvata naseljena mjesta: Kraševo, Ljetinić, Rosulje, Mračaj, Potočani, Kalošević, Šije, Vukovo, Jelah Polje, Piljužići, Dobropolje, Mekiš.

	DJELATNOST	PRAVNA LICA u KM	FIZIČKA LICA u KM
1.	Distribucija električne energije, nafte i naftnih derivata, bankarstva, osiguranja i ostalih finansijskih usluga, PTT saobraćaja	1.150,00	-
2.	Ugostiteljski objekti tipa: hotel, bar, noćni bar, disko klub, disko bar	950,00	750,00
3.	Ugostiteljski objekti tipa: motel, pension, sobe za iznajmljivanje, apartman, prenoćište i drugi objekti za smještaj gostiju	850,00	570,00
4.	Ugostiteljski objekti tipa: restoran, gostionica, krčma, konoba, pizzeria, bufet, pivnica, bistro, kafana, kafe bar	750,00	550,00
5.	Djelatnosti igara na sreću (lutrija, kladionice i sl.)	750,00	-
6.	Vanjska trgovina i trgovina na veliko	600,00	-
7.	Intelektualne usluge: advokatske, usluge notara	570,00	470,00
8.	Intelektualne usluge: računovodstveno-knjigovodstvene, radio i TV stanice, posredničke, turističke, projektovanje, promet nekretnina, prevodilačke i ostale nespomenute intelektualne usluge	570,00	370,00
9.	Ugostiteljski objekti tipa: zdravljak, mliječni restoran, ćevabdžinica, aščinica, burekdžinica, objekat brze prehrane, kafe-slastičarna, kantina, catering	550,00	370,00
10.	Trgovina na malo	550,00	300,00
11.	Proizvodnja u svim granama privrede	470,00	270,00
12.	Usluge u oblasti zdravstva: bolnice, domovi zdravlja, poliklinike, stomatološke ordinacije, apoteke i druge ustanove u kojima se pruža zdravstvena zaštita	470,00	370,00

13.	Uslužne djelatnosti: instalateri, keramičari, podopolagački radovi, automehaničari	470,00	370,00
14.	Ostale uslužne i proizvodne djelatnosti	470,00	170,00
15.	Ostale nespomenute djelatnosti	370,00	170,00
16.	Trgovina na malo tipa: kiosk i pokretna prodavnica	370,00	270,00
17.	Prevoz stvari	370,00	80,00
18.	Prevoz putnika-linijski	370,00	-
19.	Prevoz putnika-taxi	270,00	100,00
20.	Trgovina na malo-tezga na pijaci	270,00	80,00
21.	Kućna radinost	-	80,00

III ZONA

Treća zona obuhvata ostala naseljena mjesta koja nisu obuhvaćena zonom I i II.

	DJELATNOST	PRAVNA LICA u KM	FIZIČKA LICA u KM
1.	Distribucija električne energije, nafte i naftnih derivata, bankarstva, osiguranja i ostalih finansijskih usluga, PTT saobraćaja	1.100,00	-
2.	Ugostiteljski objekti tipa: hotel, bar, noćni bar, disko klub, disko bar	900,00	700,00
3.	Ugostiteljski objekti tipa: motel, pansion, sobe za iznajmljivanje, apartman, prenoćište i drugi objekti za smještaj gostiju	800,00	550,00
4.	Ugostiteljski objekti tipa: restoran, gostionica, krčma, konoba, pizzeria, bufet, pivnica, bistro, kafana, kafe bar	700,00	400,00
5.	Djelatnosti igara na sreću (lutrija, kladionice i sl.)	700,00	-
6.	Vanjska trgovina i trgovina na veliko	550,00	-
7.	Intelektualne usluge: advokatske, usluge notara	550,00	450,00
8.	Intelektualne usluge: računovodstveno-knjigovodstvene, radio i TV stanice, posredničke, turističke, projektovanje, promet nekretnina, prevodilačke i ostale nespomenute intelektualne usluge	550,00	350,00
9.	Trgovina na malo	500,00	270,00
10.	Ugostiteljski objekti tipa: zdravljak, mliječni restoran, ćevabdžinica, aščinica, burekdžinica, objekat brze prehrane, kafe-slastičarna, kantina, catering	500,00	350,00
11.	Proizvodnja u svim granama privrede	450,00	250,00
12.	Usluge u oblasti zdravstva: bolnice, domovi zdravlja, poliklinike, stomatološke ordinacije, apoteke i druge ustanove u kojima se pruža zdravstvena zaštita	450,00	350,00
13.	Uslužne djelatnosti: instalateri, keramičari, podopolagački radovi, automehaničari	450,00	350,00
14.	Ostale uslužne i proizvodne	450,00	150,00

	djelatnosti		
15.	Ostale nespomenute djelatnosti	350,00	150,00
16.	Trgovina na malo tipa: kiosk i pokretna prodavnica	350,00	250,00
17.	Prevoz stvari	350,00	60,00
18.	Prevoz putnika-linijski	350,00	-
19.	Prevoz putnika-taxi	250,00	100,00
20.	Trgovina na malo-tezga na pijaci	250,00	60,00
21.	Kućna radinost	-	80,00

NAPOMENA:

Pravno lice koje u svom sastavu ima poslovne jedinice čije je sjedište u općini Tešanj, za firmu istaknutu u svom poslovnom sjedištu plaća punu taksu predviđenu ovom tarifom, a za svaku ostalu istaknutu firmu 25 % od utvrđenog iznosa.

Pravna lica sa sjedištem izvan općine Tešanj koja u svom sastavu posjeduju poslovne jedinice u općini Tešanj, plaćaju punu taksu predviđenu ovom tarifom za prvu registrovanu poslovnicu, a za ostale istaknute firme 25 % od utvrđenog iznosa.

Prethodne odredbe primjenjuju se i na fizička lica koja pored obavljanja djelatnosti u sjedištu imaju registrovan rad u izdvojenim poslovnim prostorijama.

Tarifni broj 4.

Za svako noćenje u objektima za smještaj gostiju (hotelima, motelima, prenoćištima, kampovima, kućnoj radinosti i sl.) plaća se po osobi2,00 KM.

Tarifni broj 5.

Za objave i oglase istaknute na javnim mjestima plaća se taksa na godišnjem nivou, po m2 u iznosu od.....30,00 KM.

Tarifni broj 6.

Za korištenje javnih površina za postavljanje ljetnih bašti plaća se mjesečno taksa po m2 u iznosu od.....2,00 KM.

O b r a z l o ž e n j e

PRAVNI OSNOV

Osnov za donošenje ove Odluke sadržan je u članu 13. tačka c) Zakona o pripadnosti javnih prihoda u Federaciji BiH ("Službene novine FBiH", broj 22/06) i članu 36. i 37. Zakona o principima lokalne samouprave u Federaciji Bosne i Hercegovine ("Službene novine FBiH", broj 49/06).

RAZLOZI ZA DONOŠENJE

Presudom Ustavnog suda FBiH broj: U-20/07 od 18.12.2007. godine utvrđeno je da Odluka o komunalnim taksama ("Službeni glasnik općine Tešanj", broj: 2/99) u dijelu koji se odnosi na Tarifu općinskih komunalnih taksi-Tarifni broj 3. i 4. nije u skladu s Ustavom Federacije Bosne i Hercegovine.

Prema članu 40. stav 1. Zakona o postupku pred Ustavnim sudom FBiH ("Službene novine FBiH", broj 6/95) propis za koji Ustavni sud utvrdi da nije u skladu sa Ustavom neće se primjenjivati od dana objavljivanja presude u Službenim novinama FBiH. Presuda Ustavnog suda broj: U-20/07 od 18.12.2007. godine je objavljena u "Službenim novinama FBiH", broj:7/08 od 13.02.2008. godine, čime je prestala primjena osporene Odluke.

Ustavni sud je utvrdio da je osporenom Odlukom Općinskog vijeća Tešanj, u dijelu kojim se utvrđuje visina takse za istaknutu firmu, oznaku, obilježje ili natpis na poslovnim prostorijama i objektima kojim se označava da određena pravna i fizička osoba obavlja izvjesnu djelatnost ili zanimanje, visina godišnje takse određena u bitno različitim iznosima, bez bilo kakvih realno utvrđenih kriterija.

Imajući u vidu naprijed navedeno, kao i činjenicu da se osporena Odluka može primjenjivati tek ukoliko se izmijeni na način koji propiše Ustavni sud, pristupilo se izmjenama Odluke o komunalnim taksama.

U pripremi nove Odluke Služba za finansije i ekonomiju Općine Tešanj, kontaktirala je veći broj općina iz našeg okruženja, te ustanovila da su sve kontaktirane općine zbog tužbe istog privrednog društva – kladionice "DERBY GAMES" doo Mostar, bile prinuđene postupiti po presudi Ustavnog suda Federacije BiH i izmijeniti postojeće odluke u dijelu koji je proglašen neustavnim ili donijeti nove odluke o komunalnim taksama.

Smatramo potrebnim napomenuti da je u dijelu Odluke o komunalnim taksama Općine Tešanj, koji je proglašen neustavnim, uz obrazloženje da je visina godišnje takse određena u bitno različitim iznosima bez bilo kakvih realno utvrđenih kriterija, visina komunalne takse utvrđena u skladu sa odredbama člana 12. Zakona o komunalnim taksama, kojim je rečeno da se komunalne takse na istaknutu firmu mogu propisivati u različitim visinama, zavisno od vrste djelatnosti. Pored ovog kriterija u spornoj Odluci kao kriterij za određivanje visine komunalne takse bio je utvrđen i status subjekta koji obavlja djelatnost te djelimično korišten kriterij teritorijalnog rasporeda taksenih obveznika.

Polazeći od dobivenih uputa, u Prijedlogu Odluke o komunalnim taksama utvrđeni su slijedeći kriteriji koji su bitni za određivanje visine komunalne takse:

- naseljeno mjesto razvrstano po zonama u kojim takseni obveznik ističe firmu, odnosno obavlja djelatnost,
- pravni status subjekta koji obavlja djelatnost (pravna i fizička osoba),
- vrsta djelatnosti taksenog obveznika.

Ovi kriteriji koriguju se dopunskim kriterijima koji se odnose na broj istaknutih firmi jednog subjekta i period u kojem takseni obveznik počinje s poslovanjem (I ili II polugodište).

Kako bi se privredni subjekti i fizička lica doveli u ravnopravan položaj, potrebno je bilo predvidjeti situaciju o plaćanju komunalne takse ukoliko se obavljanje djelatnosti okonča u prvom polugodištu tekuće godine, odnosno ukoliko privredno društvo ili fizičko lice ne obavlja djelatnost cijelu godinu za koju mu je utvrđena taksa.

Članom 10. Prijedloga Odluke precizirane su odredbe koje regulišu pitanje oslobađanja od plaćanja komunalne takse.

Kako je Odluka o komunalnim takasama donesena 1999. godine i dobrim dijelom u pojedinim odredbama prevaziđena, a presudom Ustavnog suda FBiH najveći dio Tarife općinskih komunalnih taksa proglašen neustavnim, to se pristupilo izradi nove Odluke.

Moramo napomenuti da niti jedna visina takse nije veća u odnosu na prethodnu iz Tarife općinskih komunalnih taksi.

Takse su ostale iste ili u nekim slučajevima umanjene.

Predlažemo Općinskom vijeću da naprijed navedenu Odluku usvoji u ponuđenom tekstu, kako bi se pravovremeno pristupilo ubiranju znatnih općinskih prihoda.

O B R A Đ I V A Č

Služba za finansije i ekonomiju

HAMZALIJA Hojkurić,dipl.oec.

P R E D L A G A Č
OPĆINSKI NAČELNIK

ADEM Huskić,profesor

Broj: 02-02-1-900/08
Dana: 10.04.2008. godine